

黃耆 當歸 赤芍 羌活 防風

片薑黃 甘草 薑棗

此足太陽膀胱足厥陰肝藥也辛能散寒風能勝溼

防風羌活除溼而疏風氣通則血活血活則風散

黃耆炙草補氣而實衛黃耆畏防風合用而其功益大當歸赤芍

活血和營薑黃能理血中之氣入手足而祛寒溼也

地黃飲河間治中風舌瘖不能言足廢不能行此少



法風除痰

陰氣厥不至名曰風痺

音肥

急宜溫之

風痺癱瘓是也劉河間曰

中風癱瘓非為肝木之風實甚良由將息失宜心火暴盛腎水虛衰不能制之則陰虛陽實而熱氣拂鬱心神昏冒筋骨不用而卒倒無知也

古歌

地黃飲子山茱斛麥味菖蒲遠志茯菴蓉桂附巴

戟天少入薄荷薑棗服瘖厥風痺能治之

口噤身冷為風

厥四肢不收為風痺

火歸水中水生木

醫貫曰痰涎上湧者水不歸元也面赤煩

渴者火不歸元也惟附桂能引火歸元火歸水中則水能生木木不生風則風自息矣

熟地 山萸 石斛 麥冬 五味

菖蒲 遠志 茯神 菰蓉 肉桂

附子 巴戟 薄荷 薑棗

此手少陰心足太陰脾足厥陰肝藥也熟地以滋

根本之陰巴戟菰蓉桂附以返真陽之火石斛安

脾而秘氣山萸溫肝而固精菖蒲遠志茯神補心

而通腎藏麥冬五味保肺以滋水源使水火相
交精氣漸旺而風自息矣

醫學集要 卷六
附論中風難治說

中風一症真中風者十之二三爲難治類中風者
十之六七尙易治如患瘧症真瘧者居其半似瘧
者亦居其半苟不探討其中偏勝消息而仿軍家
迎頭堵勦或先誘後攻或乘退反擊諸法而僅守
成方以爲治罕見能速效也况真中風者其人必
先陽內虧身如藩籬風邪亦早窺伺乃敢斬關直

入陰藏

內經所謂五藏皆爲陰是也

非若類中侵入六府爲陽

之區

內經所謂六府皆爲陽是也

或及陰藏猶可遷延時日潛

思補救故真中風者必多戴陽外越面赤汗注駢

駢乎危篤矣卽遇名醫似難著手此余徧覽古今

名論及畢生閱歷抱憾良多追維其故非天之降

才爾殊也其所以志願太奢思想無窮者然也抑

或縱心敗度溺情安樂者自取之耳吾願世人須

先服澡心浴德之藥毋後求鹿啣靈芝之草是卽

驅風邪之良方也已

謝注

大凡祛風之方必詳內因外因而起寒熱虛實之劑余已選列于前茲以地黃飲子一方獨列于後者蓋從劉河間論治類中風症至精且詳爲類中症之大法門也岐伯所謂中風有四一偏枯二風痺三風癱四風痺是皆明晰類中分途之治啟後

學臨症之端孔子云誰能出不由戶何莫由斯道也知斯旨者其庶幾矣若必求某方合某症某藥宜某病則起先師而問之將不勝其答矣顧風症必挾痰飲相依爲患居多故繼集除痰之方于後

二陳湯陳半夏陳橘皮故名

治一切病飲爲痰咳嗽胸滿嘔

吐惡心頭眩心悸

脾虛不能健運則生痰飲稠者爲痰稀者爲飲蓋以水溼爲本

得火則結爲痰隨氣升降在肺則咳在胃則嘔在心則悸在背則冷在脇則脹其變幻無窮

古歌二陳湯用半夏陳益以茯苓甘草臣利氣調中兼

去溼一切痰飲此為珍

為治痰之祖方

導痰湯名加星枳

南星枳殼

頑痰膠固力能馴若加竹茹與枳實湯名溫

膽可寧神

治膽虛不眠以膽欲不寒不燥當溫為候耳

潤下丸僅陳皮

草利氣祛痰妙絕倫

加鹽煮搗爛為丸

半夏

茯苓

陳皮

甘草

加薑煎

此足太陰

脾

足陽明

胃

藥也陳皮燥溼而利氣溼

去則痰涸氣順則痰行食鹽潤下而軟堅潤下則痰降軟堅則痰消痰在胸中故用甘草引之入胃而痰自除矣

桂苓甘朮湯

金匱

治心下有痰飲胸脇支滿目眩

稀者

爲飲稠者爲痰痰飲積于厥陰心包則胸脇支滿痰飲阻其胸中之陽水精不能上布故目眩

茯苓

桂枝

白朮

甘草

此足太陰

脾

藥也喻嘉言曰茯苓治痰飲伐腎邪

滲水道桂枝通陽氣開經絡和營衛白朮燥痰水
除脹滿治風眩甘草得茯苓則不資滿而反泄滿
故本草曰甘草能下氣除煩滿此症爲痰飲阻抑
其胸故用陽藥以升陽而化氣也金匱曰短氣有微飲者當從小
便去之桂苓甘朮湯亦主之
腎氣丸亦通陽行水之藥也

清氣化痰丸

治熱痰

熱痰者痰因火盛也痰卽有形之火火卽無形之痰痰隨

火而升降火引痰而橫行變生諸症不可紀極火借氣于五藏痰借液于五味氣有餘便爲火液有

餘則爲痰故治痰者必降其火治火者必順其氣也

半夏

膽星

橘紅

枳實

桔萸仁

黃芩

茯苓

薑汁糊丸淡薑湯下

此手太陰

肺

足太陰

脾

之藥治痰火之通劑也氣

能發火火能役痰半夏南星以燥溼氣黃芩桔萸以平熱氣以順裏氣杏仁以降逆氣枳實以破積氣茯苓以行水氣水溼火熱皆生痰之本也蓋氣

之元而爲火猶民之反而爲賊賊平則還爲良民
而復其業矣火退則還爲正氣而安其位矣故化
痰必以清氣爲先也。○謝按此第爲治熱痰立說也而治寒痰豈不可反是以
求其治之之法但從古人有寒痰佐以乾薑芥子一語即可推類其餘否乎

礞石滾痰丸

王隱君

治實熱老痰怪症百症

風木太過剋制

脾土氣不運化積滯生痰壅塞上下二焦迴薄腸胃曲折之處謂之老痰變生百病不可測度誠非尋常藥餌所能療也此方主之

青礞石

一兩

沉香

五錢

大黃

酒蒸

黃芩

八兩

薑汁灑丸

此手太陰

肺

足太陰

脾

手陽明

胃

足陽明

大腸

藥也

礞石剝悍之性能攻陳積伏匿之痰大黃蕩熱去實以開下行之路黃芩瀉肺涼心以平上潛之火沉香能升降諸氣上至天而下至泉以導諸藥爲使也然乃重劑非體實者不可輕投

指迷茯苓丸

治痰停中脘兩臂肩痛

飲伏于內停滯中脘脾主

四肢脾滯而氣不下故上行攻臂其脈沉細者可知

半夏曲麴

二兩

茯苓

一兩

枳殼

五錢

風化硝

二錢

薑汁糊丸薑湯下

此足太陰

脾

足陽明

胃

藥也半夏燥溼茯苓滲水

枳殼行氣風化硝軟堅去堅痰生薑制半夏之毒

而除痰使痰行氣通臂痛自止矣

喻嘉言曰痰藥雖多此方甚効

○澍按此方可為治臂痛者認為風邪之鑑

滌痰湯

治中風痰迷心竅舌強不能言

心竅為舌心脈繫于

舌根脾脈連舌本散舌下腎脈挾舌本心脾腎三經脈虛則痰涎乘虛閉其脈道故舌不能轉運言也語也

半夏

南星

橘紅

枳實

茯苓

人參

菖蒲

茯神

甘草

薑棗

此手少陰

心

足太陰

脾

藥也心脾不足風邪乘之

而痰與火塞其經絡故舌本強而難語也人參茯
苓甘草補心益脾而瀉火陳皮南星半夏利氣燥
溼而祛痰菖蒲開鬱通心枳實破氣利膈竹茹清
燥開鬱使痰消火降使經通而舌柔矣○謝按此方論治及
用藥味祇爲類中風症而製雖可以治有餘
之風邪不可以療不足之厥疾姑識俟正

白金丸

治癲狂失心

癲多喜笑尙知畏懼症屬不足狂多忿怒人不能制症屬

有餘此病多因驚憂痰血塞于心竅所致難經云
諸陽爲狂諸陰爲顛○喜屬心怒屬肝二經皆火

有餘
地也

白礬三兩

鬱金七兩

薄荷糊丸

此手少陰心藥也白礬酸鹹能軟頑痰鬱金辛苦能去惡血痰血去則心竅開而疾已矣

青州白丸子

治風痰湧盛嘔吐涎沫口眼喎邪手

足癱瘓小兒驚風

皆風痰壅塞經絡

及痰盛泄瀉

肥人滑泄多屬

于痰脈滑責之痰
不食不飢責之痰